


PL
2722
E517
1214
V.4



測海集卷五

長洲彭紹升允初

思賢詠三

總督姚啟聖熙止

浙江會稽人隸鑲紅旗漢軍康熙二年舉人

熙止初知廣東香山縣坐事免會耿精忠踞福州反寇浙東康親王統兵渡錢塘熙止散家財募兵迎王王

攻諸暨復之遂署縣事連破賊陣斬數千人撫偽官四十餘人兵七千餘人敘功擢溫處道僉事十五年八月率兵進剿破賊九營抵石塘焚其木城復雲和從大軍入閩補福建布政使招降賊帥韓大任劉進忠及其衆數萬十七年五月擢福建總督加兵部侍郎時耿精忠

已降而海寇鄭錦踞廈門攻掠近海諸州縣熙止遣兵
進勦復平和同安敗賊于泉州十八年正月會平南將
軍賴塔督大兵進戰大敗賊于蜈蚣山斬賊四千人復
長泰乘勝逐北擒斬甚衆降僞總兵廖璵等及其衆一
萬二千人十九年二月水師提督萬正色破鄭錦于海
壇熙止會平南統水陸軍七路並進破十九寨復海澄
錦走歸臺灣取金門廈門先後敘功加太子少保予世職
二十年六月鄭錦死子克塽幼弱熙止密陳規取臺灣
之計用多金閒其黨與誘僞行人傅霖殺之以其爲賊
主謀也初施琅自賊來降積功至福建水師提督已而
入京爲內大臣熙止奏欲平臺灣非琅不可遂復授璽

提督二十二年閏六月琅進兵攻澎湖熙止駐廈門督餉既克澎湖琅爲書咨熙止以臺灣水道紆欲俟八月後乘北風行熙止謂賊已大創乘勝擊之可旦夕下緩之無及矣遂遣官賁賞功銀一萬兩火器弓弩甚具趣琅進兵兵將發而克塽遣使約降熙止以聞請頒詔赦克塽罪臺灣平是歲卒于官初大兵駐閩中民間頗苦供億熙止三疏請勅康親王班師報可兵出境多挾民間婦女熙止白王請下令嚴禁竭所儲贖放者二萬餘人方海患亟時詔徙瀕海民實內地流離失業者衆以熙止請復其故民間往往肖熙止像爲祠生祀之

戰血灑千山斯人半魚爛毀家出奇功慷慨輕百戰決勝在
知人成功信善斷諒非懷保心誰免流離患

總督吳興祚

正紅旗
漢軍

興祚起家縣令康熙初知無錫有善政漕督帥完保薦
其才十五年用廷推驟遷福建按察使時耿精忠旣降
而明裔朱統錫擁兵阻險爲寇其僞總兵陳龍等結寨
光澤山中十六年興祚招降陳龍等使爲導直搗寇穴
其黨縛統錫以獻撫其衆三千人十七年擢福建巡撫
時海寇犯泉州興祚率標兵赴援連破賊復永春德化
賊帥劉國軒遁興祚募水師遣總兵林賢統以出海賊
賊于赤澳因請增置水師爲平賊計從之十八年招撫

僞總兵蔡冲琯等及軍民一萬五千人十九年二月會
寧海將軍喇哈達總兵王英等自同安分三路進剿復
廈門金門逐鄭錦入海招僞將軍江機等二十年以功
授世職擢兩廣總督二十一年覆憲臣徐元文條奏粵
東民困一疏因極言鹽埠渡稅總店漁課之害請予豁
除鹽埠者異時尚氏駐粵私縱官丁或占鹽田或奪鹽
埠致商民愁怨課額日虧其病民者一渡稅者粵中渡
口舊有三百八十餘處貨物過者計偕輸稅不過分釐
尙氏更令隸卒羅踞津口重加稅錢又禁他船分載每
年所得不下數萬其病民者二總店者尙氏所創立凡
雞豚蔬果之屬向無稅例者一概截抽至銅鐵木材已

輸官稅復抽私稅其病民者三漁課者舊額銀五千四百二十餘兩尙氏加以重斂每歲所入不下數萬其病民者四尋奉 旨粵地鹽埠渡稅總店漁課悉予豁除如所請廣州瀕海多曠土招民耕種設兩翼鎮兵分駐廣韶嚴武備捐金四萬兩建潮州廣濟橋三年乃成商民便之卒祀名宦祠

治盜若治病攻補兩不偏但當決癰毒慎勿戕其天長波靜鯨鱉伏莽投戈鋌春風忽相扇那復愁冰堅

知縣陸在新蔚文

江南長洲人康熙五年舉人

蔚文官廬陵知縣之官不攜妻子始至誓于城隍之神不以一錢自污錢穀耗羨革除都盡常裏糧厯山谷

勞苦百姓軫其災患而導之于善三年教化大行以勞
卒其孤鬻書以殮廬陵人爲罷市三日會哭者萬餘人
賢人潔腸胃凍雪寒山岑一朝耀白日美澤流春陰揮手謝
妻子鬻書制棺衾孤英易摧折痛矣斯民心

知縣沈光榮

正白旗
漢軍

康熙中光榮知河南河內縣仁慈莅民催科不事敲朴
設盒酒花帛集諸里長令逋課者跪堂前進酒于他里
長之畢輸者爲簪花被帛鼓吹導以出中門由是輸者
畢至有李家窪者地斥鹵數逋稅光榮爲引溝渠開稻
田招流民復業給以牛穀種改名藏富村其後遂成沃
土每遣衙胥攝事計日給以錢禁不得絲毫擾民在官

三載而去士民思之祀名宦祠

誰非父母遺何忍爛其肉酌酒跪堂皇辱乃踰敵扑春渠活
活流秋畝年年熟昔日虐而冠今也麟之足

尚書趙申喬慎旃

江南武進人康熙九年進士謚恭毅

慎旃在官刻苦自厲苟利于民知無不爲起家縣令案

牘皆自治人不能欺官浙江布政使謂欲令州縣無虧

帑當先革藩司陋規故有錢糧加平時節饋送兵餉掛

發奏銷部費諸款一切禁絕僚屬凜凜奉法度藩庫貼

解費歲支不過什五將去任積二千兩有奇悉封識以

授代者曰吾前奏銷不費一文錢後將難繼得此足辦

今歲事矣勿更擾民也四十一年正月遷浙江巡撫

二月調湖南禁州縣額外加派如軟糧公費腳價
諸名目盡數革除時苦鹽貴慎旃諭商人盡革諸衙門
陋規自巡撫始司道以下視之令下毋得更高價累民
聖祖累下詔稱爲廉吏第一五十年春遷左都御
史明年因萬壽恩詔請免官地民房新舊租稅尋
奉使陝西請蠲潼關衛大同府本年應徵米豆草束皆
報可前後累望吏議聖祖始終保全之卒于位

何以靖官常不欲爲其本天日明心肝苞苴絕幽隱時哉道
大光下益而上損終始拜恩榮兩字褒華袞

總督郭琇瑞甫

山東卽墨人康熙九年進士

瑞甫初爲吳江知縣以湯文正薦試授御史時斬輔爲

河督累著勞績亦頗結納權貴以自固尋以高寶下河水漲議築隄束水而湯公及侍郎孫在豐等俱主濬海口輔不從康熙二十六年瑞甫上疏論輔治河不效

詔以王新命代之二十七年擢左僉都御史二月劾太學士明珠余國柱結黨納賄罔上不道 聖祖卽下

詔數責諸臣罷斥明珠國柱等朝野大悅累遷左都御史二十八年疏劾原任少詹事高士奇左都御史王鴻緒等所爲姦利狀並予休致頃之明珠黨錢珏佛倫先後爲山東巡撫搆陷瑞甫遂罷去而江寧按察使高承爵劾瑞甫爲吳江時失察縣丞趙炯私用倉穀赴江寧就訊獄成當戍陝西 詔特原之放歸田里三十六年

聖祖南巡問吳江民前令孰賢皆稱郭琇賢遂起
爲湖廣總督四十二年以苗疆有警不以聞爲廷臣
所劾削籍歸

附耳煽王廷私門闖玉食偉哉郭御史舍命殛奸慝中天照
離明朋亾和萬國清問到江鄉信斯三代直

侍講德格勒

滿州鑲藍旗人
康熙九年進士

康熙朝德格勒官侍講李文貞嘗薦其學行時召見

論經義性骨鯁不附權貴嘗扈駕巡行明珠使人累

千金爲裝卻之會天久不雨聖祖命德格勒筮之

遇史曰澤上于天將降矣一陰居上天屯其膏決之卽

雨聖祖愕然曰安有是以明珠對明珠聞而大惡

之二十六年冬坐私刪起居注論死赦出謫可尔沁其部大人以下敬事之既歿而善視其子孫不衰

斯人屹中流千金唾如芥孚號向王庭擬決一陰吏言發禍已隨志定死不害涼涼緇衣慕縣邈窮荒外

員外達瑞輯菴

姓何舍里旗
州正黃旗人

輯菴初官蘭州筆帖式有土豪徐五奪民閒婦白巡撫布喀逮治徐以萬金求解于輯菴不許卒還民婦徐五死獄中遷考功司主事康熙四十三年山東饑選官分賑吏部尙書陳廷敬舉輯菴往分得平原縣時戶部侍郎穆和倫總賑務倡言各縣賑口不得過三千輯菴爭曰平原地大人稠不應限以三千請徧給之是歲他州

縣賑口多不過三千而平原至九千三百有奇又因稽核戶口與同事捐俸市衣錢載以行擇其尤貧者先賑之及賑設五局以便民做下吏之爲姦利者平原民懷之立生祠還遷戶部員外郎

救荒若救火生死爭須與仰屋計羸縮朽骨已載塗誰令施未光一體分苑枯不見平原民焚香頌來蘇

侍郎布泰階平

姓瓜爾佳滿洲正黃旗人

階平官刑部郎中每涖獄不輕用刑訊務求其情康熙二十五年督龍江稅務故事征銀一兩羨二分階平曰此私征也申約束禁斷三十九年授盛京刑部侍郎閣積案多至數百事晝夜詳法不一月而清多所平反旗

民德之尋以事降官四十一年授察哈爾遊牧總管其俗故憊悍爲之立條約宣教化募內地老農教播種設義倉秋收春賑已而率兵防守推河糧乏日僅一餐爲軍士先糧得不置少好學既老猶日與諸子講論經史事母謹母沒廬墓三年友其二弟終身不析居

君子如春風所至物所暢折獄務哀矜安邊資保障疏水有餘甘松楸故無恙一編手自攜老去神猶王

御史陸瓏其稼書

浙江平湖人康熙九年進士諡清獻

稼書知嘉定縣清苦自厲務以德化民民有親屬訟者爲曉譬大義繼以涕泣民多感悔去胥徒千數喻令歸農民宗族相爭命其族長逮之鄉里爭命里正逮之又

雖有追牌命兩造要而來催科第爲期限而輸者自集
會軍興徵餉十萬稼書爲文勸民以大義不市月而十
萬之數具足其生日老稚千數焚香拜堂下有百歲老
人扶杖前願一識翁曰自我爲民以來未見有官如翁
者也亾何以盜案免再以大臣論薦起知靈壽縣擢四
川道監察御史每有論奏先一夕齋戒以爲常旋以議
捐納罷歸老於家雍正元年追贈內閣學士 賜今諡

從祀 文廟

人言大樸雕未可純德化先生所莅民閭遠三代下直道在
彤廷封章凜清夜勤勤待後心屹屹歸田暇

學道蔣伊謂公

江南常熟人康熙十二年進士

康熙十八年謂公官御史時滇閩用兵征調四出又廣
開捐納事例謂公繪十二圖以進曰難民曰水災曰旱
災曰債兒曰春耕夏耘曰冬獄曰夏獄曰疲驛曰暴關
曰讀書曰觀稼曰廢書復爲疏極言其狀請嚴軍政省
刑罰慎銓選奏上 聖祖覽之爲動容嗟歎置諸左
右又劾江西總督董衛國縱兵虐民狀別爲五疏論救
荒之策其言甚切二十二年 駕東巡所過多飢民

聖祖顧近臣曰此蔣伊所繪流民圖也尋出爲廣東
糧儲參議革除苛政與民休息日市乾魚自給誓不取
民間一物頃之移河南學道以經術造士絕干請頌聲
翕然其居鄉好施予放魚鳥諸物歲千萬計其子孫再

世爲相

嗷嗷愴中田深深仰黃屋拜手顙

皇仁耀我光明燭乾

魚佐盤餐一飽良亦足高門日以隆誰使清風續

尙書徐元夢善長

姓舒穆魯渾諸人隸正白旗
康熙十二年進士論文定

善長初以庶吉士散館列二等當以科道用時索額圖
執政惡其不附已也奏改部屬明珠數欲致之亦不就
試翻譯第一再遷至侍講李文貞掌翰林院薦善長與
德格勒並有學行二人故相善及德格勒以占易見惡
於明珠遂并怒善長會湯文正議董漢臣上書事明珠
誣以怨訕欲并陷二人遂言二人與之結黨 聖祖
乃召諸臣試乾清宮二人與焉有 旨諭讓二人命同

試諸臣校勘其文衆相視無言而湯文正獨右二人既
罷詔以湯文正輔導皇太子善長教諸皇子其
年秋聖祖御瀛臺教諸皇子射善長不能挽強

聖祖怒因以蜚語詰之善長奏辯詔答數十籍其

家父母謫黑龍江翼日善長冒雨至宮門跪泥中號泣
訴父母無罪乞代親戍邊有關保者以告詔立赦其

父母復善長官已而翰林院奏德格勒私剛起居注下
獄詔并問善長獄成當死詔鞭一百荷校三月與

妻子並入辛者庫已而以廢官侍皇子復爲珠黨所
軋幾死者數矣久之明珠旣老其黨漸解散而李文貞
日見親信聖祖久益察善長之爲人累遷內閣學

士出辛者庫康熙五十三年出爲浙江巡撫五十七年授兵部尙書雍正元年擢大學士改戶部尙書尋以在浙時失察呂留良案落職今上卽位復起內閣學

士遷刑部右侍郎改禮部仍課諸

皇子旋加尙書銜

善長平居溫溫遇事持可否甚力始終一節不撓衆枉通懷樂善老而彌篤與桐城方靈臯共直蒙養齋暇卽從問經義有侍衛請靈臯講大學至秦誓其人作而言曰茲所云一个臣者吾視徐公良然乾隆七年卒詔稱徐元夢學問優裕踐履篤實謂之完人可無愧焉

服藥須去毒千古有放流譖者亦太甚斯人自休休升沈信非我善惡看到頭
玉音布公道鳩鳥空啁啾

巡撫馬如龍

山西綏德人

康熙十四年逆賊朱龍據延安府以叛如龍時爲舉人家居率壯士守山寨拒之居人從而相保者于餘家賊衆來犯敗之又斬其使賊遂益兵爲長圍會平逆將軍畢力克圖兵且至如龍突圍出迎於河上平逆命爲前鋒大破賊斬首萬餘朱龍以數十騎遁平逆命如龍權綏德知州撫餘賊越二年延安平上還州印請赴禮部試平逆與總督哈占上其功擢知深州在官屢決疑獄宿逆旅有鬼訴冤掘地得骨究問得主名寘之法累遷杭州知府杭民貸于軍期滿不能償以子女質旋沒入如龍白于將軍令悉持券來發官銀給之還其子女民

大悅尋以右副都御史巡撫江西

聖祖南巡淮陽

饑命如龍賑之遂倡僚屬糴米十萬移賑焉四十年

卒于官

馬公挺孤劒隻身庇萬人功成乃辭賞志氣何深醇濟物了無我雪冤信如神江淮共安宅一氣旋洪鈞

漕督施世綸文賢

尊侯次子

文賢初知江南泰州廉而強治案牘甚勤康熙二十七年淮安下河被水詔遣兩大臣蒞州督隄工從者數十輩驛騷閭里文賢白其不法者治之是年湖廣兵變援勦官兵過境沿途侵奪文賢具芻糧以應而令人各持一梃列而待有犯者立擒治之兵皆斂手去二十八

年擢揚州知府 駕方南巡召對良久顧左右曰此天下第一清官也尋改江寧府所至民咸懷之以父憂去官乞畱者萬人不得請乃人投一文錢建雙亭于府衙前名一文亭歲餘起蘇州知府以服未除辭不赴三十九年起淮徐道副使累遷順天府尹總督倉場五十四年出爲漕運總督五十九年秋陝西旱大饑 廷議轉河南粟二十萬石給關中 詔文賢赴河南勸河南府至西安黃河運道乃自孟津厯砥柱上龍門由陝州達西安量地險易緯路通阻酌舟運多寡有差遂抵西安會總督鄂海協理軍餉時州縣積貯多虛耗而西安鳳翔爲甚遂拜疏劾二知府下吏雜治時文賢有子知會

寧鄂海以是要之文賢笑曰吾自入官以來身且不顧
何有于子鄂海竟以失察罷其年冬 詔發帑金五十
萬合陝屬常平倉粟一百三十六萬餘石賑飢民遣
部曹十二人往而文賢總其事文賢因歷陝境分十二
路遣曹官及郡縣能吏十二人按口分給遠近悉徧明
年夏得雨乃歸淮安民間老幼泣送數十里建生祠祀
之六十一年以病卒官

一挺植道旁虎賁悉斂手照影清江流雙亭拜童叟乘槎上
龍門臥聽洪濤吼鼃勉爲蒼生身家復何有

尙書席爾遲

滿洲鑲
紅旗人

席爾達爲人廉潔有智略識大體康熙三十八年以兵

部尙書權川陝總督先是陝西私派甚重賄賂公行席
爾達奏請禁屬官餽獻言私派累民實由州縣四節餽
獻欲除私派必嚴絕餽獻因分別處分條例以上 詔
部議行遂勒碑衙前申明永禁焉四川打箭爐番人蠢動
遣兵進剿破其衆四十年冬甘肅災得 旨賑恒仁請
緩征明年額賦 報可入爲吏部尙書四十二年湖廣
紅苗作亂 詔席爾達統兵南下疾馳至 州檄貴州
提督李芳述兵自東南來遣副將韓永 靖尋率
兵由乾州至崇山衛扼蜀道而親率兵 招
撫降者踵至遂自遞糧坡入路險賊不設備
駭走遂合諸路兵直搗天星寨寨下 日初

梯引而上苗依以自固我兵攻圍久絕其水道登小天
星寨架礮擊之苗人懼乞降許之先後降者三百餘寨
悉令納刀杖獻戶口冊供賦役爲良民因請乾州設同
知鳳凰營設通判並增防汛官兵移兵備道駐鎮竿鎮
其地苗疆大寧明年三月還京尋卒

南箕翁其舌杼軸日以空誰能屏貪泉部屋流仁風制亂不
在武所貴善始終一朝解兵甲耕鑿還堯封

尙書張廷樞

陝西韓城人康熙二十一年進士

廷樞起翰林累官吏部侍郎康熙四十八年遷刑部尙
書骨鯁持法平時提督九門陶和氣勢方橫滿尙書齊
世武與之比撫其仇入死刑廷樞持不可因搆廷樞罷

歸居二年和氣誅世武竄廷樞以戶部尙書召旣至仍
改刑部誠王府人孟尙曾殺甘肅平民事達部誠王再
三屬廷樞勿上奏廷樞卒奏論如律優人徐采官給事
藩府嘗嗾傭者捶殺人議者欲以傭抵廷樞不可事下
九卿戶部尙書趙申喬據刑部讞論采官主使坐絞已
而卒減死充邊及世宗卽位下詔褒厲申喬仍逮

采官於邊以殺人抵死河南遠水諸州縣歲徵黃糧輓
運費不貲民甚苦其役巡撫楊宗義請改折色廷議不
可廷樞因使還白其事卒如所請六十一年坐事免歸
刑殺有常憲所守曷可撓恭逢堯舜君明允推臯陶以

茲浚定力白日流春膏役車謝父老酌酒還魚羔

布政使劉棨弼子

山東諸城人康熙二十四年進士

康熙三十七年弼子知寧羌州時關中大饑州倉無見糧弼子請於監司假廳倉粟以活州民復移粟洋縣持檄往賑數日而畢謂洋令曰此粟貸之官倘及秋民不能償吾兩人可代任之將行老稚持香擁馬首塞路寧羌民多逋稅自賣家中田代之輸母憂去官負債不能行致書其弟令亟賣所遺田弟以兄產薄益以已田易金致兄所寧羌人聞爭輸金爲助弼子示以家書曰吾田已去矣無及也乃止服闋授平陽知府累遷至四川布政使

誰人愛身家不若愛勞獨勞獨息哀嗷我心貧亦足夾道漫

焚香空倉已無粟塿簾不孤鳴好把家書讀

尙書張伯行孝先

河南儀封人康熙二十四年進士諡清恪

康熙四十六年孝先巡撫福建四十九年移江蘇其在官悉以家私財充用未嘗受人一錢急民之病而除其慝建書院刊布先儒遺書遵禮者儒延接後輩以昌明正學爲已任五十年江南省試榜發副主考趙晉以賄聞衆大譁正主考左必蕃不得已上其事 聖祖命

戶部尙書張鵬翮會督撫卽訊總督噶禮居奇婪貨不欲窮治孝先上疏劾之噶禮亦以他事訐孝先 詔二人俱解官聽勘復 命戶部尙書和穆倫工部尙書張廷樞會訊然皆畏噶禮謂其所劾有據坐孝先落職

詔責諸臣顛倒是非暴鳴禮罪斥之復孝先官尋坐事免召入授戶部侍郎總督倉場雍正初遷禮部尚書卒於官孝先論學恪守程朱嘗仿四書編濂洛關閩書進於朝其遺澤多在蘇州蘇州人至今思之

鴟鵂嚇桐鳳白日塵冥冥

一人握虛鑑萬影無逃形昂

首奮臣節曲肱誦遺經景行未蕪沒宛在春風亭

張公在蘇創紫陽書

院院有春風亭

檢討竇克勤敏修

河南柘城人康熙二十七年進士

敏修少勤學稍長徧治諸經聞耿介石傳蘇門孫徵君之學教授嵩陽書院往從之游居五六年入京應禮部試謁湯文正公日夕請業錄其語以自檢文正謂師道

不興由教官之失職也勸敏修就教職得泌陽教諭泌陽地小而荒人鮮知學敏修爲立五社設之師各置規過勸善簿月朔稽善過而勸懲之又立童子社授以孝經小學次及四書五經暇則齋居讀書餽粥不繼晏如也旣成進士選庶吉士丁母憂歸學者踵至於柘城東門外創朱陽書院倡導正學于時四方學者自高陽外獨朱陽爲盛矣服除入京授檢討

聖祖命諸翰林

作楷書敏修書學宗孔孟治法堯舜而其要在慎獨尋以父老乞歸日與朱陽學者優游講習溫故知新沛然自得立家規著孝經闡義事親庸言多切於內行頃之

無疾坐逝

蘇門一滴泉其澤滿河雒耿西而竇東人師繼以作流波被彈丸詩書潤藜藿肫然門內修會閭庶無忤

教諭蔡璧君宏

福建漳浦人貢生

君宏爲諸生嗜學有介節康熙四十五年授羅源教諭慨然歎曰天下之治亂在人才人才之盛衰由學校學校之責任在師儒吾其可苟焉而已乎教士先器識後文藝讀書以反身體認爲要春秋祭文廟躬親蒞牲潔豆籩故事報父母喪者納白金乃爲具牒君宏曰誰非人子忍以人之親死爲利乎遂除之尋乞歸張清恪巡撫福建開鰲峯共學兩書院延君宏爲之師集諸生訂先儒遺書屬君宏總其成已而欲薦之朝以衰老力

辭乃止家貧清恪欲有贈先開其端輒應曰家無幾人
此閒月給足用也乃止居三年從學者日衆清恪去任
時仍以院事爲屬旣還家爲諸子授諸經大義點次通
鑑綱目未竟而卒

儒官尸厥職官牆競錐刀涼涼蔡先生月出蒼山高明德馨
邊豆清風謝干旄紫陽有心法皓首重焚膏

河督陳鵬年北溟

湖廣湘潭人康熙三
十年進士諡恪勤

北溟知江寧府廉幹持法平常州知府與諸生訟文致
十餘人于死北溟會訊雪其冤總督阿山欲增地丁銀
耗羨充公費北溟力持不可事遂寢總督由此大恨之
以前在河工事被吏議又以北溟嘗逐羣娼建亭其地

興吏民講演

聖諭爲大不敬論死俄而召入修

書武英殿復以兩江總督邵穆布薦出知蘇州府蘇大
疫北溟巡視所屬境人予之藥餓者予之粟及錢所至
疫立起敏于聽斷無畱獄逾年蘇州大治 詔權江蘇
布政使總督噶禮與巡撫有隙因并怒北溟借承鞠屬
官踰限劾罷之會噶禮敗仍召入充武英殿纂修總
裁康熙六十年 命視南河權河道總督晝夜河上築
馬營隄塞秦家廠決口尋卽真以勞卒江南人祀之以
配海忠介焉

聖皇達四聰廉吏安可殺肫肫保赤心坦坦固窮節校書感
零露策馬衝朔雪以配海剛峯二華天際傑

尚書楊名時賓實

江南江陰人康熙三十年進士謚文定

賓實初官翰林從李文貞講學尊聞反躬施于上下忠實不欺用文貞薦提督順天學政任滿防河江南尋

召入授直隸巡道廉察稱最康熙五十八年遷貴州布政使明年擢雲南巡撫會征西藏大師駐省城賓實建屋百數十間以處之堅明約束民用不擾滇民丁役不均有戶絕者責人爲代或一人兼數丁又額征外加派公件銀歲三四十萬民苦之至是始均丁于田減公件銀爲十一萬有奇民困大蘇其他利民事次第舉行雍正三年晉兵部尚書總督雲貴明年改吏部尚書管雲南巡撫事六年或誣奏賓實與按察使江芑通同欺蔽

狀 命官卽訊落職羈雲南對簿暇與諸門人講授如
平時獄成擬絞 詔特原之十三年以 遺詔起禮部
尙書兼國子祭酒明年二月至京雍正末黔中苗亂連
年不能定賓實力言用兵非策 詔從其議撤兵除新
疆之賦黔人以寧未幾病卒祀賢良祠

楊公德如玉忠信廉以溫孚尹貞萬變精神化祥雲籌邊擇
遠計服食惟斯文 三朝眷終始一氣旋陽春

總督高其倬章之

鑲白旗漢軍康熙三十三年進士謚文良

康熙五十九年章之以內閣學士出爲廣西巡撫鄧橫
苗叛章之單騎入寨諭以朝廷威德衆棄刃羅拜受約
束而還 世宗登極遷雲貴總督時用兵西藏章之

以中甸爲進藏咽喉地請調鶴麗劔川兵鎮之墾田陸
涼州積穀以備運改哀牢土司爲流官苗人蠶動章之
遣兵迎勦大小三十二戰平魯魁茅洞諸寨逆渠次第
就擒雍正三年冬調浙閩總督時福建饑章之入浙境
卽請撥溫台倉穀七萬石運閩寬臺灣米禁以濟漳泉
從之閩人大安移興泉道駐廈門設哨船彈壓苗夷平
生番阿密氏之亂捷聞 世宗喜曰卿在閩朕無南
顧憂矣五年冬 命專督福建八年夏調兩江總督會
雲南普思苗反貴州廣西猺獠多響應九年秋奉 命
總督三省率提督蔡成貴等計平之十一年還兩江權江
南巡撫乾隆元年改湖南巡撫章之爲人淵深喜與不

見于色進止凝重治事勤胸摩文案肉胼起與人甚恕
屬吏有才者往往代爲受過至遭責譴不悔累任盤錯
不喜功不釀亂奏刀砭然關節開解故其所至人咸懷
之三年以戶部尙書召卒于寶應

高公重如山所鎮畢妥帖泊然兵革間砭砭治文牒兼容了
不猜一氣春溫淡勿翦有餘思嗚咽過江楫

總督滿保鳧山

姓覺羅滿州
正黃旗人

康熙五十年鳧山巡撫福建首効提督暴橫者殲諸劇
賊益勸農桑備荒禔尋遷浙閩總督整飭營伍擇將吏
相視險要設兵置守六十年臺灣民朱一貴反聚衆數
萬殺鎮將焚府治鳧山聞警卽單騎往廈門密檄水陸

官兵由海道赴廈門既集下令分兵三路尅日進賊聞
亦分三路爲備及過澎湖與提督施世驃會師令三路
兵併攻中路入鹿耳門復安平鎮大兵進臺灣賊大潰
適 詔至赦諸脅從臺民多反正遂復府治先是增置
淡水營在臺北界至是賊首北遁遇淡水軍被獲凡七
日臺地悉平請蠲賑以撫災黎民得安集雍正三年卒
于官

制亂不在武貴決機如神奇哉燎原勢指顧無遺薪安邊首
擇吏治盜先保民寄語後來者未亂須經綸

侍郎馮景夏樹臣

浙江桐鄉人康熙三十二年舉人

雍正五年景夏官蘇松常鎮泰糧道異時州縣徵糧以

漕費爲名溢額者無禁其更命每石加漕費六分半給旗丁半抵州縣修倉應供諸費盡革斛面耗米以節頒收漕斛式較寬議改小口斛裹以鐵米不得溢巡撫尹文端先後以聞著爲令民大便之在官每乘小舟冒風雪潛行所屬境訪泊諸倉奸猾吏所部肅然時方定外官養廉上官以糧道故有羨議無給景夏持不可列諸羨款悉請革除乃給養廉如他官九年遷安徽布政使累遷刑部侍郎卒官

貪壑杳無底科斂爲之門悉索媚長官三倍安足論春天忽霆震碩鼠齊聲吞祇今白頭老猶話使君恩

光祿少卿楊秘靜山

奉天人隸正黃旗

康熙中靜山官直隸固安知縣故事修永定河秋汎畢
工興時永定道黃賦役錢不均遲延及冬朝涉者股戰
靜山憐之許日出後下鑿黃巡工遲民之來欲咎之靜
山力爭不得乃直前牽其馬至凍處曰公能往民亦能
往此時日高春公重裘尙瑟縮乃責此赤墜者戴星來
耶黃大恚將繕牒劾靜山會巡撫李文貞公過柳家口
聞之召謂曰汝年少能然古之任延也勞以酒解裘衣
之事得釋調宛平 聖祖巡畿南過固安老幼爭乞

畱靜山

聖祖曰別與汝固安一好官何如一女子

對曰何不別以好官與宛平耶

聖祖大笑以爲誠

許食知州俸知固安縣尋遷雲南曲靖府調麗江麗江

故苗地中甸新歸版籍靜山召土官爲典史諱里魁以
頭目充令人樹榆一本畝畜水一溝建文廟定婚喪之
制期年歲熟俗爲一變民飾廟以祀號第一太守祠累
遷西安布政使署湖北巡撫調四川乾隆初以言事罷
官七年起甘肅涼莊道遷光祿寺少卿致仕歸
好官若珍珠得者懼或奪誰能厘如傷太息此無褐春榆映
簷低秋水衝渠活迢迢闇昧區天日一朝豁

左都御史沈近思位山

浙江錢塘人康熙三十九年進士諡端恪

位山年十歲從師學輒疑仁是何物旣長讀程朱書渙
然有得深信力行踐履日篤始授河南臨潁縣潔已勤
以修荒政建社倉七所築孔家隄扞水患擢廣西南寧

同知引疾歸朱文端巡撫浙江薦之 召入監督本裕

倉會臺灣用兵總督滿保請諸朝俾攝府事雍正元年

還京授文選司郎中越歲累遷至吏部侍郎時山西巡

撫諾敏上耗羨疏公之奏下廷臣議位山言耗羨爲額

征所餘本無定數今歸公則與額征無異日久滋弊耗

羨之外必復加耗羨是重困民也爭之甚力 世宗

以爲然惟無定數故不肖有司取民無制遂著令以加

一爲率提解司庫兼采位山言凡民間公事仍許用耗

羨不得與正供比其有額外加收及私派民間者罪之

五年擢左都御史卒於位生平論學誦法當湖陸清獻

公輯其遺書爲十四卷其言論施設亦仿佛似之

眇志測元始潛淵茂靈根挺霜骨正直排天門披腹抒
遠慮和羹奉明恩景行未寥闊當湖薦芳蓀

侍郎魏定國步于

江西廣昌人康熙四十五年進士

步于知湖廣應城縣有賢聲鄰縣訟者爭往就決上官
知之遇有變輒檄步于往雲夢孝感二縣人爲有司所
虐閉城罷市他官往不得入及步于至民望見銜牌謹
曰魏青天至矣皆羅拜尋解散事聞擢冀州世

宗登極遷知杭州豁浮糧屏盜賊戢旂兵巡撫黃叔琳
獲罪或言叔琳弟叔璫爲御史巡臺灣過杭擾民民罷
市詔將軍總督會訊訊曰觀者如堵牆叔璫囚服噤
不語將軍呼三木脅之步于率錢塘令厯階上抗聲言

曰府縣司地方地方市罷府縣不知請先劾府縣且闔
城老弱萬千在庭下辱將軍一問有無立剖安用刑爲
將軍目外望諸百姓匍伏同聲應曰如府君言叔璈遂
得釋汪景祺以謗訕誅子女坐流一女許配中表上官
以無媒欲坐之步于爭曰中表爲婚安用媒除其名遷
河南按察使調直隸與布政使張适拷人致死謫戍黑
龍江先是兵部尙書傅鼐謫焉一夕夢魏徵來訪翼日
步于至亾何同步江上一丈夫來汲熟視步于曰非魏
公耶曰然因伏地叩頭流涕曰民冀州人也從人爲盜
事敗度必死公爲減流故得有今日公不記耶傅直前
握手于手曰法人而人不怨又見德焉公孔明也豈直

魏元成哉

上元年與楊名時魏廷珍等同

召見

授西安按察使累遷安徽巡撫入爲刑部侍郎調吏部
以老乞歸

堂堂魏青天應手解紛結直由忠信孚匪獨肝膽決江頭汲
者誰憶往空嗚咽千秋夢中人握手難爲別

侍郎蔡世遠聞之

福建南靖人康熙四十八年進士諡文勤

聞之少厲志節篤內行釋褐後家居主鰲峯書院以正
學造士設族規置大小祭田孤嫠老疾月有常餼酌損
朱子家禮化於其鄉環所居三百家二十年無博戲者
雍正初 召入侍今 皇帝講讀授編修五轉至禮
部侍郎每進講于經史要義修己治人之道必極意盡

言發于至誠切深無顧慮才幾卒于位天下惜之

東風上桃李葉葉同一春君子懿文德薰者知其醇翊我太

平運

潛龍醞經綸一朝首席物雷雨信如神

學士惠士奇仲孺

江南吳縣人康熙四十八年進士

仲孺湛深漢學於易禮春秋俱有論說督學廣東六年

以經術造士

召還進對不稱

旨罰修鎮江城舟中題詩

寄子命棄宅田輸縣官復爲書曰猶記康熙六十一年

秋歲試初畢還省城與將軍管源忠巡撫楊宗仁燕語

管謂予曰老先生不名一錢固善萬一日後奉

旨

當差如之何楊正色曰天理可憑決無此事吾能保之

予搖首曰保不得保不得楊愕然曰何謂也予曰男兒

墮地時死生禍福已前定一吾命當死公能保我不
死耶君子惟潔乃心盡厥職而已他非所知也左右
顧笑曰好漢好漢予當時已料及此事君能致其身卽
粉骨分所不辭倘有幾微難色便非好漢汝當仰體我
心歡欣鼓舞以樂飢寒則我快然無憾矣以產盡停工
削籍乾隆元年復侍讀致仕歸卒廣東人祀之韓山以
配昌黎子棟能世其學

男兒有赤心榮辱非君相歡喜忍飢寒蓬窗發高唱作人配
韓文傳經緬劉向千秋紅豆居寥廓青雲上惠氏有紅豆山房

侍郎胡煦滄曉

河南光山人康熙五十一年進士

滄曉治易究圖書之蘊著函書數十萬言旣入翰林

聖祖屢召見問爻象疑義 命畫圖講說歎曰真苦心讀書人也雍正中官兵部侍郎轉禮部嘗請舉孝弟詳農政廣言路定制度九年奏河南水災與總督田文鏡奏滄曉嗣子胡基孟本異姓不當冒官卷中式 詔斥基孟滄曉亦落職歸乾隆元年入覲復原官致仕并復基孟舉人滄曉尋卒于京師

學易體仁者言行謹機樞颺言普美利萬象當昭蘇進講緬宣室正誼追江都光山好風日滴露點遺圖

御史謝濟世石霖

廣西全州人康熙五十一年進士

石霖官御史雍正四年十二月劾河南巡撫田文鏡貪

賊壞法時

世宗方倚仁文鏡而廣西巡撫李紱入

見奏文鏡舉劾失平

詔遣大臣卽訊還奏絃言非實

世宗疑石霖或受指使

命怡賢親王與大學士

九卿嚴訊之究指使者石霖曰文鏡之惡中外共知之

濟世幼讀孔孟書粗識事君之義不忍視姦人挾私罔

上故冒死以

聞必欲究指使者乃獨有孔子孟

子耳詰責再四無異辭拷掠急石霖大呼

聖祖仁

皇帝王及諸大臣皆瞿然起立罷訊入告曰是狂生妄

欲爲忠臣口刺刺稱孔孟不休終不言有指使者

世宗意亦解曰是欲爲忠臣且令從軍去遂

命往阿

爾泰軍前効力乾隆初

召復故官尋以母老請外轉

出爲湖南糧儲道七年爲巡撫許容所劾御史胡定白

其寃明年春

上命禮部侍郎阿里袞偕定往訊得

白遂斥許容改石霖驛傳鹽法道尋又爲巡撫所劾免

歸

嶽嶽一狂生唯識孔與孟霆聲發堂皇大官拱而聽薄譴荷

殊恩全歸拜

新命還憐末路艱未改凌冬性

布政使陳德榮廷彥

直隸安州人康熙五十一年進士

廷彥爲諸生與博野尹元字切劘正學有經世之志旣

成進士授湖北枝江縣修百里洲隄除解餉入川雜派

遷黔西州以憂去服除引見

命赴貴陽權威寧知

府踰年威寧改州升大定爲府以廷彥補之會烏蒙土

司叛東川鎮雄附之威寧當其衝上官檄督有

司完守備城西陴預聚民間米桶實土石累丈餘加雉堞焉不日而功成賊去城三十里縱火牛光燭天廷彥督士卒晝夜臨城賊不敢逼會哈元生兵至賊敗遁以江西巡撫薦攝饒九道督潯陽大孤兩關宿弊盡革復以經略張公薦授貴州按察使乾隆初苗疆新定方駐師興屯將吏多鋒銳言兵者未已二年正月貴陽大火廷彥入見經略曰天意如此當設誠修省苗亦人耳可盡殺乎經略大感動申戒諸將吏如廷彥言攝布政使以黔地瘠薄築壩堰引山泉溉田導以含洩之法不數年貴筑貴陽開州威寧餘慶施秉閒報墾田三萬六千畝督民種桑募蠶師教之蠶開野蠶山場百餘所比戶機杼

聲相聞修學舍繕城垣恤流民給孤老益囚食進諸生
開以爲己之學自立志始尋改安徽布政使建陽明書
院以進士卒於官

吏道亦有基所貴足衣食陳公洞民依率作無餘力一言扇

仁風指顧安反側翹首古陽明

洞名

逝者何終極

洲海集卷六

長洲彭紹升允初

思賢詠三

尙書孫嘉淦錫公

山西興縣人康熙五十二年進士諡文定

雍正元年錫公官翰林院檢討上封事三曰親骨肉曰停捐納曰罷西兵

世宗以其言戇召掌院切責之

顧謂朱若瞻曰汝意云何若瞻曰其言誠戇然臣服其膽世宗良久大笑曰朕亦不能不服其瞻立召

對授國子監司業提督安徽學政遷祭酒調順天學政歲滿署順天府尹丁父憂歸以原官召晉工部侍郎歷刑吏二部兼府尹祭酒如故尋以引見國子監教習人

員不稱 旨下獄復起署河東鹽院乾隆元年以吏部
侍郎 召擢左都御史上疏論三習一弊略言人君耳
習於所聞則喜諛而惡直目習於所見則喜柔而惡剛
心習於所是則喜從而惡違自是之根不拔則機伏於
微而勢成于不可反黑白可以轉色東西可以易位臣
願 皇上時時事事常存不敢自是之心引文王望
道未見孔子可以無大過爲喻 上嘉納之遷刑部

尙書三年轉吏部尙書總督直隸開五百八十支河引
水溉田給旗人屯田墾古北口山海關外荒地數萬頃
六年調兩廣總督降福建巡撫坐事免尋補宗人府丞
十年遷副都御史請老 計之十四年復起副都御史

明年遷工部尚書十七年遷吏部尚書辦大學士十八年冬卒于位

奇氣激忠肝排雲自傾寫良哉諍臣風

君相共陶冶一

雨被蒼生四海誦司馬優曇不時開望古淚盈把

御史李元直

山東高密人康熙五十二年進士

雍正七年元直官四川道監察御史居臺中八月章數

十上最後語侵諸大臣尤切

上召元直及諸廷臣

入歷舉中外大臣有名迹者詰之元直抗言無所避

上徐謂諸臣曰彼言雖野然其心無他翼日復召

入慰之賜荔枝數枚出于都人呼爲蕙李其年十月

奉命巡臺灣兼提督學政入謝于滿御史奚德慎俱

上敕奚不當愛錢且曰如李元直可保其不愛錢
既至絕餽遺請增養廉自給又建議十餘條搜剔利弊
有所更革僚佐多不便讒之大吏以爲侵有司權大吏
以聞下部議當降三級遂入京俟命尋告歸家居
致授二十餘年每與客談御史時事感慕
先帝輒
慘戚不自勝

慙李不愛錢潔舌詆卿相關門志初伸越海氣逾壯芒又偶
見摧簡編故無恙平生報國心老去空惆悵

巡道莊亨陽復齋

福建南靖人康熙五十七年進士

復齋初知山東濰縣丁母憂歸廬墓三年服除以父老
不出隱居教授博通經術乾隆元年以楊文定公薦起

國子監助教遷吏部主事六年出爲湖廣德安府同知
尋擢知徐州府明年夏至官徐連歲被水旣至相川澤
咨耆民具方略請廣開上游水道以洩異漲且言石林
可危已而石林告決復齋駕輕舟拯溺率衆塞決口七
日而堤完發粟賑晝夜檢視不遑息或以危法中沛令
上官具疏將劾之命復齋補牒牒上稱沛令不侮鰥寡
不畏強禦上官悟乃止九年遷按察使副使分巡淮徐
海道錢塘袁枚言予爲沭陽令復齋來巡初就館餽餼
烝受之止枚共飲問沭水原委簿領利病甚悉旁及山
經地志星象樂律甚辨翼日會諸生于學講中庸卒章
欸欸盡意聞者莫不色動翼日校壯丁發矢矢旁決熟

火器器閉諸丁伏地請罪枚亦皇恐起立謝復齋弛外
衣手弓而前教如法矢發十八人無不當鵠者火器亦
如之畢就坐笑謂枚曰而奚慊慊耶藝成而下非子所
急也專心治民吾職在巡年年來爲子教之可也從蒼
頭二人僮一人皆自飲其馬臨去犒以金跪而辭曰感
公厚意雖然主人視僕厚僕受金不以聞是欺主也其
以聞則主必不聽僕受此金也公其諒之乃止十一年
以疾卒於官居民爲罷市號哭賻以錢一日至六千緡
云

溫溫老儒生欸欸盡吏職矍矍春風中田起菜色白石漱
寒泉餌香魚不食投之六千緡一慟悲何極

教諭王之麟對揚

江南常熟人康熙五十九年舉人

雍正六年對揚選江南安東教諭其明年淮安屬大水奉檄分勘安東飢戶對揚乘小舟行田中舟膠乘馬馬躓乃易牛出入泥淖徧歷諸村落得飢民二萬餘口以報縣令愕曰君所勘一隅耳多若此如合縣何請減之對揚曰是嗷嗷者不賑且不活減之孰當死者爭不得馳訴于府府難之適布政使白公按行至對揚痛哭訴民困餓狀請按冊全賑白公心動許之旋委對揚發白金以賑對揚按戶口析封萬餘三日夜目眶盡赤乃按行居民親給之時飢民方詢詢令出裂其輿丞往并脫其鬚及對揚至皆懼曰師爺活我于是上官更檄對揚

覆勘所未至自安東及鄰縣境復得應賑者數萬戶如
所報悉予賑全活甚衆在官修文廟愛護諸生河標兵
醉辱諸生白上官治之一生逋賦當斥對揚憐其貧典
衣得二十金代之償不足請以俸抵乃免有監生弟死
無子奪其產迫孀婦更嫁婦控于令令庇生不爲理對
揚訴於府卒直孀婦乾隆二年安東復被水對揚勘賑
百餘日積勞猝中疫病僵昇歸以卒

蕭涼苜蓿盤中有菽與粟忍死爲斯人嗷嗷得滿腹風薰雨
後苗節勁霜天竹俎豆一朝新馨香千古獨

光祿卿沈起元子大

江南太倉人康熙六十年進士

雍正五年子大自驗封司員外郎

命往福建以知縣

用署福州府移興化爲政持平宏大體時方清查倉穀
有司多被劾受代者率尙苛切子大戒所屬得當卽止
毋多求也莆田有黃陳兩家構訟不決聚黨相攻上官
將悉捕治之子大責兩人而盡釋其餘委攝海關司關
向無養廉責諸關口差役歲輸金三千以給子大請于
巡撫革之並革洋船規例數千金巡撫家奴守關者莫
敢不奉法攝臺彎知府大風壞海船漂溺廬舍人畜子
大單騎按視賑給流民多所全活尋坐事降級歸今

上卽位授江西驛鹽道乾隆二年擢河南按察使夏
大雨災被四十六縣飢民四走子大議以邊境州縣未
被水者安插流亡給口糧俾毋出境從之屬吏報鹽梟

四十餘圯捕傷人已而獲者過半法皆當斬訊之自四
五人外皆領民斬三人戍二人餘杖遣而已七年遷直
隸布政使明年大旱人秋議賑總督以戶口未清欲遲
至仲冬子大請先普賑一月再查戶口分別加賑固請
而後許之有一縣令倡言賑戶不賑口子大怒曰民飢
且死一口之糧能活數口乎切責之是歲發賑視他歲
加數倍焉九年內轉光祿卿尋乞歸在官二十年未嘗
受屬吏餽遺有餘輒施之戚友晚而好易述孔義集說
論學兼通朱陸病中手鈔明道先生語錄語其友曰平
生學力無佳手處年來日夕檢點身心仰不愧俯不忤
或庶幾焉及卒無他言

菽粟本常味活人以爲功時復遇饑饉出手蘇疲癯誠求亦
有要照影流清風洛川一卷書觀化無始終

巡撫胡寶琮泰舒

江南青浦人雍正元年舉人謚恪靖

乾隆七年

詔求骨鯁質樸之士如古馬周陽城者泰

舒時官內閣中書舍人大學士查公以其名應試策論

第一明年授福建道監察御史直隸江南饑初開捐納

事例內止小京官外止丞倅佐雜九年冬戶部侍郎李

元亮請自郎中道府擊都司並聽納用泰舒言捐例

本權宜之計不可復加且其所入不能補蠲賦之一二

而徒輕名器傷政體甚不便奏下原議大臣議之十三

年累遷順天府丞提督學政金川未平大學士傅公奉

使經略

敕泰舒從行明年凱旋

上以金卮酌酒

手賜之累遷左副都御史十六年扈駕南巡河南民

傅毓俊誣告張姓謀逆詞連百餘人有司不能決詔

泰舒往讞一訊而伏誅毓俊而釋其餘遷兵部右侍郎

十七年冬巡撫山西明年調湖南尋調江西二十二年

河南災被水州縣至六十餘詔發金數百萬移粟數

十萬以賑泰舒至核戶口招流亡葺屋宇貸種具濬諸

河渠六十七道亘二千五百七十餘里俾下流深通會

濰泚淮諸水達于洪澤半歲訖工歲以有收民氣和樂

上下詔褒美加太子少傅二十五年再調江西明

年河決陽橋遣大臣往塞決口調泰舒河南襄其事時

河工日需夫數萬芻茭無算閭鄉人馬現龍等不應徵
殺衙胥十餘煽居人爲亂官皆逃泰舒聞變自工所立
馳往移檄鄰縣截其去路榜示百姓竄者誅居者免由
是賊黨多散去不數日事定斬現龍等數人以徇二十
七年冬以病乞休明年正月卒初泰舒將生之夕父教
授君夢王文成公遺以金軸曰五十年後煩送至吾鄉
及南巡至會稽遣泰舒賫御祭文祀文成悟前夢
因爲題曰三不朽懸諸祠堂

天上一卮酒窮邊萬里還氤氲作靈雨因風灑人寰正色謝
唯諾悲心念惘痕煌煌金軸文千秋惴稽山

尙書衛哲治我愚

河南濟源人貢生

我愚爲吏惻惻自奉薄能急民疾苦諸所興除多切於利害尤善救荒嘗自矢曰有敢侵賑糧一分者吾子孫其世爲飢民矣著災賑條略數千言纖悉盡事實雍正十年署江南鹽城知縣清賦籍核戶口行保甲法別民之高下淑慝分爲六等設六條以治一日尊有德二曰禮高年三曰旌孝義四曰恤癯獨五曰警游惰六曰懲過犯以時巡察而審行之在官六年民氣大和盜賊屏跡建海口天妃閘備旱潦請蠲沒水田稅銀四千餘兩米三千餘石乾隆二年調長洲勸民築圩濬川建陽山閘縣有荒田及公占地數百頃賦籍未除積逋累巨萬我愚繪圖以上請減徵條銀一千一百八十餘兩米一

千八百石巡撫徐公士林爲入告尋奉 旨豁除勸富

人出粟建社倉四七年遷知海州歲饑設法賑救活二
十萬人山東流民多來就食十年遷淮安知府河決陳
家口分遣百船載餅餌餉諸災民築六塘河堰開阜寧
體仁放生二河廣興水利十二年秋大風雨海溢江淮
間而山東大饑我愚捐家財倡僚屬樹草屋百數十間
自清江浦屬之漁溝以北亘二百餘里以棲流民給糜
粥贍衣服薪芻藥物悉具歸者如市明年遷廬鳳嶺巡
道督賑米赴山東 上以我愚熟賑務改登萊青巡
道董賑事遷山東布政使十四年遷安徽巡撫以母憂
去十八年服除入覲署兵戶二部侍郎安徽水災 詔

我愚再任巡撫奏雨安廬歲漕五萬石親駐鳳陽督賑
飭所屬分畫城野安插諸流民俟開春水落資之還鄉
明年調廣西尋擢戶部尚書以疾乞歸

良吏若盧扁病劇效乃奇一丸甫出手徧地蘇瘡痍稽古得
善治教養兩不遺涼涼公解中咬菜甘如飴

督學尹會一元孚

直隸博野人雍正元年進士

元孚尊信程朱躬孝弟之行達於政事謂治法必本三代秦漢以降皆苟道也始知襄陽及揚州修學校立書院創蜡祠城池津梁次第修舉賜高年束帛寒者衣之病者藥之擢兩淮鹽運使晉巡鹽御史盡除宿弊以節儉導商民乾隆四年遷河南巡撫遇大水采富文忠趙

清獻救災法參以周官遺意約爲十六條行之民無流
亡布周官溝樹法編甲伍以詰盜命州縣皆分四鄉立
社學簡有德行者爲社長朔月月半其孝弟敬敏任恤者
與其放逸奇衰爲患鄉里有司巡問觀察加勸懲焉
數月民俗烝變尋入爲副都御史以母疾乞歸母喪服
除起工部侍郎出督江蘇學政卒于官喪歸淮南感其
德以五千金爲賻子嘉銓曰不可以此傷先人之志卻
之

秦風變周禮蒹葭苑幽情丹山杳儀鳳驚鳥爭長鳴眇志企
淳古祥風扇昇平扁舟引歸旄照影淮流清

漕督楊錫紱方來

江西清江人雍正
五年進士謚勤懇

方來初官御史出爲廣東肇羅道累轉至廣西巡撫潔
已率屬民懷其惠陳汝咨奏廣西墾荒之弊事下督撫
會勘久不決及方來至始與總督楊超會合奏盡豁新
增稅額粵人德之乾隆八年入爲禮部侍郎明年授湖
南巡撫累丁內外艱十九年冬起爲左都御史二十一
年遷禮部尙書其年冬出爲山東巡撫時二十一州縣
被水方來奏請蠲貸有差明年授漕運總督所丁向苦
運官括索方來至撫卹甚至盡除宿弊運官斂手奉法
旗丁感之建生祠於淮上三十三年卒於官

楊公握臺綱深心補袞職雖然諫草焚朝野咸太息一雨潤

南荒二鬴奠東國至今河水湄傳葩崇廟食

給事中曹一士謫廷

江南上海人
正八年進士

雍正十三年謫廷官山東道監察御史

上初卽位

開廣言路虛已采納謫廷所陳奏多見施行首言各省
墾荒有名無實宜加覆勘以除民累繼請蠲兩浙被災
場課及江浙分年帶徵漕米又言詩文筆札偶涉疑似
不可比附妖言之律比年以來里巷細人挾睚眦之怨
借影響之詞攻訐私書指摘字句有司見事生風多方
窮鞫波累師生株連九族破家亡命甚可憐憫請 敕
直省大吏查從前此等獄案不准援赦者條列請 旨
嗣後或有舉首詩文書札悖逆譏刺者如無的確形迹
卽當依律反坐以爲挾仇誣告者戒又言牧民之吏有

賢有能不可偏廢今督撫薦舉往往舍賢而尙能故明
作有功之意多悖大成俗之意少損下益上之事多損
上益下之事少此治體所關急宜調劑者也轉工科給
事中奏言會典載科臣職掌惟司封駁專責以言不在
他事自雍正元年屬之都察院其後城倉漕鹽諸差與
御史一體開列於是六科奔走不遑坐荒本職宜 敕
下在廷考正六科之制悉還其舊又會典載內閣交出
密本由各科挂號然後發部今各科祇有紅本而密本
並未得見至 諭旨徑由內閣發部者遲至浹旬始得
從邸抄一讀卽欲有所論列事已無及嗣後請聽臣等
派出本科筆帖式二員輪班赴閣謹抄 諭旨并所發

條奏密本庶得隨時論以仰贊 高深之萬一章凡
十餘上皆切於時務此其尤要者乾隆元年春密奏河
東總督王士俊不稱職語洩於外有 旨飭責士俊亦
內轉兵部侍郎十一月謫廷卒于官

譽譽奮臣節肫肫念民生南風發和氣化作朝陽明職有
遠慮指佞無私情斯人忽已杳桐影搖秋聲

督學雷鉉貫一

福建寧化人雍正十一年進士

貫一好學力行立朝有節概乾隆十年官通政使會

詔求直言貫一奏稱 朝廷樂聞讜言不必慮其好名

臺諫所得者名政事所資者實也又言孔子稱舜隱惡
揚善當舜之時言者亦不能有善無惡惟舜隱且揚之

故書曰嘉言罔攸伏願

皇上以舜爲法尋任浙江

學政移江南以副都御史再任浙江二十年秋浙西被

蟲災無入告者貫一致書巡撫責之弗省遂自以聞

奉旨賑恤巡撫得罪去明年任滿乞終養歸卒于家

雷公矢靖共醇意發苦口大智決江湖陶漁足師友一疏忽

排雲萬戶爭翹首興發仰

皇仁歡聲徧童叟

知縣邱天民次衡

湖廣宜城人貢生

乾隆初次衡知山東陽信縣精力強敏案無畱牘時有

老瓜賊者出沒河南山東直隸閒積十餘歲五年詔

山東巡撫責州縣官密捕分屬強幹吏八人次衡與焉

居半歲訪得楊老賊者其首也誘之至貌魁梧力能敵

數人詰之不肯承次衡慰以好語而密遣胥入其家取
贓物案驗良是以示賊語塞復飲之酒至五斗賊大醉
呼曰今日願就死具吐平日殺人狀殺者某某瘞尸某
所同黨某某盡四鼓悉得實其法以一賊冒商民伺孤
客與同止宿偕客早行他賊坎道旁徂客至殺之裸而
埋諸坎卽颺去被殺家求尸不得莫能理及是得殺人
者五十餘案發尸二十六捕諸同黨無逸者由是瓜賊
滅跡先是沂水馮石二人被殺有司以殺人者曹黑等
三人也旣成讞斬曹黑其二人緩死及是得瓜賊殺馮
石二人狀衆護前官不欲平反次衡曰黑死誤耳一誤
可再誤耶請于上官出二人于獄前官俱得罪調滕縣

坐事免其後巡撫準泰以次衡前治功再奏薦入京
未及引見而卒

駭機發康莊行者膽欲裂況乃百十羣阬尸不見血批根無
遺株掃跡寧畱穴迢遙千里餘蕩蕩思前烈

知縣李南暉

甘肅通渭人

乾隆四十九年秋九月兵部尙書總督陝甘等處福康
安奏言據甘肅布政使浦霖稱察回逆回攻擾通渭時
縣有李南暉者前任四川威遠知縣病休于家一聞賊
警卽率諸子家丁首先兵民登城抗賊城陷罵賊格鬪
死其子貢生思沅并見殺從子監生師沅亦自縊死事
平其子宗沅上狀於知縣黃恩恩上知府何文耀覆核

無異詞請 子賜卹

上嘉其節予知府卹蔭當城

陷時其守土官獨典史溫模自縊死而知縣王懷匿倉
房以免既逮至熱河行在廷訊伏誅其子孫并禁錮焉
本非守土臣效死一何果大義撲兇鋒那恤巢與卵榮辱判
須臾 國法無兩可倉房難久居何如馬革裹

右名臣共一百十七首

恩賢詠四

徵士孫奇逢啟泰

直隸容城人明萬歷中舉人

啟泰當天啟中周旋東林黨人以節概聞天下後日益
韜晦其學宗陽明而歸本于慎獨先居五公山既渡河

止蘇門入

本朝屢卻

徵命率衆躬耕習三代之

禮人無賢愚導以爲善遠近莫不向風卒年九十二
驚濤無靜鱗烈風無休枝達人蛻萬物來往不可羈守一眇
聞見善誘無町畦默吹揖讓風開茲太平期

徵士李爾中孚

陝西盩厔人

中孚之學以致良知爲宗默坐澄心改過遷善常若不
及客江東爲後輩講學往往發人深痛康熙中大吏薦
于朝欲強起之以病固辭至拔刀自刺于是謝學者
闢土室以居老焉

先生閉土室沉冥避時名天光發中夜良知炯然明完得子
臣事了無生死情惟餘長養風到處懷羣英

處士謝文游秋水

江西南豐人
明季諸生

秋水初學禪靜坐中灑然有得已而篤志程朱闢程山
學舍與諸學者鞭迫近裏以畏天命一言爲心法時寧
都易堂九子以文章經濟自名及過程山講學旬餘諸
子並推服秋水謂其能篤躬行識道本

積翠鎖危崖披襟談古易何人善洗心一往無畱跡身名謝
飄風歌嘯空四壁尋原路不岐翹首天光白

處士朱用純致一

江南崑山人
明季諸生

致一痛父殉國死終身不仕其學確守程朱反躬密踐
一以主敬爲歸臨終語弟子曰學問在性命事業在忠
孝勉之

柏廬達躬修安宅在居敬穆平清風來沛若游魚泳維

浮榮知言淚鬪爭永懷瑟僖詩千秋仰睿聖

處士汪風魏美

浙江錢塘人明
崇正中舉人

魏美爲人落落與妻偕隱好遊諸名山事三宜和尙謹
而不肯被僧服曰吾不忍儒門之空無人也臨終爲五
言詩一章絕筆而逝詩曰大化無停軌道術久殊轍佳
世守頑形問途猶未徹至人本神運可會不可說冰泮
水還清雲開月方潔一旦破樊籠逍遙從此別

魏美若野鶴山水無定居回顧杵臼閒梅花粲窮廬攬鏡照
華髮欲去仍踟躕樊籠一以破脫然還太虛

處士徐枋昭法

江南長洲人明
崇正中諸生

昭法自遭喪亂遁跡山中布衣草履終身不入城市晚

志道頗篤時上靈巖謁退翁和尚問佛法家貧絕糧退
翁餽之粟受之非退翁弗受也湯文正屏車騎訪之不
得見太息而去

靈巖一片月秋霜洗孤清軒冕不敢窺山僧共平生食薇竟
何益朱菊還自榮學海逝不息悠悠終古情

處士張光緯次民

江南無錫人
明季諸生

次民童年補諸生明亡哭於文廟棄諸生服年五十

餘妻子盡喪讀佛書修念佛三昧布衣蔬食持優婆塞
戒一蚊一蟻惟恐傷之年七十餘將卒爲終制自言無
營無戀無瞋恚煩惱一心清淨時至便行門人刻其所
著書四卷名淨土剩言

一楊謝儒服回身拜金仙誰知首陽薇幻作東林蓮骨肉渺
異世香華度殘年臨行了無取月到天中圓

徵士應撫謙嗣寅

浙江仁和人
明季諸生

嗣寅孤耿絕俗坐臥一小樓考索遺經端坐終日不言
而人自化有醉而操刃於道者聞其聲股戰委刃而去
康熙中舉博學鴻儒嗣寅稱疾輿牀詣有司求免乃已
潛齋脫垢氛面若秋風冷好音沁心脾醉者沃然醒高樓挹
山光蓬扉照松影閒閒此中人述作消晝永

處士沈昀朗思

浙江仁和人
明季諸生

朗思受業戴山劉子厲獨行之節嘗累日絕糧采階前
馬蘭食之或餽之粟不受疾亟弟子曰先生今日何如

日心中無一事惟知誠敬而已既歿其友姚敬恒爲之
斂葬于西湖之上

空齋斷樵爨階前馬蘭香對客飢欲死拱手稱先王澄觀自
炯炯獨往何涼涼一坏傍湖水千古流清光

處士劉源淥崑石

山東安邱人

崇正末山東盜起犯安邱崑石與其兄率鄉人力戰卻
之已而折節讀書篤信朱子居敬窮理之訓修喪禮祭
禮行於家齋戒必謹爲鄉人置義倉設粥食餓者

直齋性勇毅秉禮爲民坊斂彼殺賊手刳心發天光齋明格
祖考任恤聯家鄉橫渠已千載此道垂寒芒

處士李景濂亦周

浙江鄞縣人

亦周童而孤繼母年十九家貧或勸之更嫁亦周聞要
其人于路椎擊之歸白母哭且拜母亦大慟遂與亦周
誓父主前相依終身亦周事繼母謹繼母卒廬墓三年
年已六十矣亦周工詩明亡隱于醫

奮一擊母節重太山歸來誓木主白日明心肝北堂貪
愛口汐社拋儒冠冬青有遺蔭長與同歲寒

處士畢奇紫嵐

江南歙縣人

紫嵐少閱金剛般若經歸信大法已而入馬首山遇異
僧教令參求向上苦究五年豁然大悟游吳門居支硎
德雲庵終日瞑坐家人至輒引避子死亦弗哭遂老於
庵中著別傳錄數卷慧辯無礙切於爲人

瞥眼一塵飛因緣幻三有誰能豁本光傾盡無明酒春風黃
獨香夜月蒲牢吼揮手謝妻兒人閒了無偶

處士顧培昀滋

江南無錫人

昀滋少多病習養生家言已而從宜興湯之錡問學始
篤志聖道康熙中築共學山居與其友金敞遵高忠憲
靜坐法行之久而有得四方來學者日衆春秋大會行
復七規期畢釋奠于先師歌詩習禮歲以爲常

梁溪道性善復七乃共門末流貫鹵莽誰與窮深原習靜掩
山戶高歌振江邨遺風竟蕭瑟落葉東林翻

處士顏元渾然

直隸博野人

渾然之學初出入朱陸已而悔之謂道不離乎事物在

適用而已性非所先也其操持甚力動必由禮由是北方學者傳習齋顏氏之學

學苟不知性其流入管商習齋亦志士秉燭爭三光春風在沂水時鳥鳴山梁會得曲肱樂吾師點也狂

處士勞史麟書

浙江餘姚人

麟書年十七讀朱子大學中庸序始發憤向學已而得近思錄讀之焚香再拜曰吾師在是矣其論學始于不妄語不妄動極之至誠無休歇處好接引人無問高下悉誘之爲善所居鄉俗爲一變年五十九徧別親友沐浴更衣而逝嘗語門弟子曰文王陟降在帝左右此是實理深山窮谷中有真儒者出縱遜世不見知其神明

亦必在孔子左右無疑也既卒其弟子桑調元夢麟書
從一大殿出執手慰勞其後十年入太學瞻大成殿如
夢所見然

焚香悄山居洋洋見先聖先聖非去來俯仰惟一敬德風被
人羣鄉閭靜而正觀化何從容雲飛與川泳

處士楊維寧紫淵

江南無錫人

紫淵故負郭居父歿免喪頗厭城市遂度湖卜管社山
而居之因巖架屋立家祠以時獻享一準古禮與妻趙
氏讀書彈琴徜徉自樂初居山中賊至紫淵手仆之已
而賊首糾衆來犯張圍數重火燭天賊首貌魁梧黑而
虬髯舞雙鉞直趨紫淵紫淵手一鞭左右拒鉞電閃著

鐵錚錚然紫淵咤曰壯哉忽縱出賊背擊之賊首仆眾
呼號爲乞命縱之自是山中無賊患紫淵謹藏其鞭戒
子孫無得言武事紫淵故豪俠好義疎於財晚而向道
以主敬爲學卽之退然若無有遂老於山中

白浪隔塵喧孤岑杳天際中有遁世人彈琴披六藝梅花太
古春黃葉重門閉一鞭遺子孫心法誰能繼

徵士李鎔鐵君

正黃旗
漢軍

鐵君家世貴盛盡推田宅以屬兄脫身獨居沈潛文史
游盤山樂其幽邃買田而居焉與山民雜耕䟽材果實
取者弗禁其尤貧者以田予之偶行遊挈爐罍自隨人
望其茶煙跡之無弗得也有石永寧者亦巨室少豪縱

年三十始折節讀書已而亦移家盤山每大雪輒與鐵
君攜杖步西潭扣冰作聲相視而笑兩人俱工詩乾隆
元年永寧舉孝廉方正辭以疾鐵君舉博學鴻辭及試
被黜遂老於山中

雪深閟流泉萬籟杳然寂植杖一軒渠此意誰能析春至澗
花飄秋來松露滴山人何所爲吟詩破寥闕

處士張晚蓀九

江南吳縣人

蓀九愛山居自號石帆樵人嘗作傳言樵人居無定舍
樵無定處中懷夷曠若有得者所與游田父野衲而已
略涉經史喜詩歌晚而好易以石帆名者言其不適于
用爾支硎僧念亭言石帆嘗館於其山老矣舉動若孺

子與人和易無町畦然或乘軒訪之輒引匿曰吾樵人也安得功夫周旋世上人耶一日還家無疾而逝

隔林聞斧聲中有幽人跡高軒一以過飛鳥逝安適偶陪田父言時愛茅庵僻秋露滴空階篝燈重點易

處士鄧元昌慕濂

江西婺源諸生

慕濂年二十五得宋五子書始發憤向學遂弃科舉業日陳五經論孟及宋儒書拜而誦之每有感觸涕流被面澄心端坐爲日記以課言動事繼母謹母怒必長跪請罪得解乃已嘗視穫城南羣兒爭昵之慕濂教之識字讀書復以俚語開解大義羣兒咸躍喜稱善歲以爲常晚而所造益熟嘗有詩云處處桃源處處津不知誰

是武陵人從今懶向漁郎問鎮日窗前瞌睡頻

通懷了無吝談笑諧兒童回顧庭戶閒融融自春風頰首緬
遺冊精修激悲衷桃花滿溪水源路誰能窮

右布衣共十九首

思賢詠五

五世祖集公先生

諱德先字敬
輿明季貢生

先生倜儻負才氣見世方亂遂究討兵師算數防邊治
河之略習弓矢治農田水利嘗上書巡撫祁忠敏公陳
兵食事宜請蠲苛稅祁公偉之致以禮屬爲釐正賦役
書成祁公罷大兵定蘇州圖籍散失順治二年下
詔蠲恤先生應有司請據前書裁定賦額蘇人賴之晚

而買地玉遮晨夕湖濱嘯歌自得年七十餘終

玉遮淡晴霞輕帆蕩山綠時艱得善藏歌聲響空谷肫然康
濟心功乃在土穀漁父暫相逢花源渺遺躅

從五世祖貽令先生

諱行先字務敏明季貢生

先生當明崇正中以貢授知縣不就選教授里中沈潛
文史垂四十年爲人靜退篤于倫類與同縣人鄭敷教
金少章俱以遺逸重於時而先生壽最高卒年九十二
先是自營葬穴屬敷教爲志而少章書之將終整襟起
坐書唐人詩一章斂手而逝

春風掀白鬚歸然遺一老門前冠帶新屋內圖書繞古交三
兩人生死永爲好臨歧得從容擲筆萬緣了

高祖一庵先生

諱璣字雲客順治十六年進士

先生早歲以文學知名康熙初官長寧知縣有政聲里
誤歸杜門講學先喜老釋家言年六十餘得梁溪高顧
二子書服之始一以主敬爲學署所居曰志矩齋讀書
其中夜以繼日年七十而終

聖域浩無津司南惟一矩山立復時行花香而鳥語齋心謝
馳驅汲古戒莽鹵落葉響蓬扉沈吟月方午

曾祖止庵先生

諱定求字勤止康熙十五年進士

先生少有至行嗜學畏遠聲利康熙中由修撰遷工
設教條釐文體絕請託諸生懷之已而擢侍講告
出輯先儒遺書反己內修要於自得尤好陽明王守

病世儒爭持同異口說熾實行荒作密證錄陽明
錄諸書居鄉扶植名教持清議嚴義利之辨暇輒
宴坐一燈一榻蕭然而已卒年七十五

沂水瑟方希天泉歌載續涼涼百世人共此春風浴息
不飛得意草交綠南畝一畝宮千聖往還熟

右世德共四首

